

## Papia 2 Jon da Mandagit

### *But piso gen*

Amin morapmi da Jon Yesu dakon panjetni unun da mani ankisibinjek iyi do 'kila amin kinda' yan yanek papia on mandagit yan nandan. Papia on kokup kinda dakon panmuwukbi do mandagit. Unun panmuwukbi do tilak anek 'minjat kinda gat gwakni gat' yan yosok. (Gagi 4-5 do koki.) Unun minjat dakon peni dakon gwakni unun panmuwukbi ae kabi kinda do yosok. Unun da gagi 13 non gildatni tagi yipmangan.

On papia dakon gen madep ton unun Pinjop dakon gen panupbal anek top yon amin pindak kimagek amin do but dasi galak tan yomyom anpak an kimotni do yosok.

### *Nin Pinjop gen tebaisi abidanjek gen njwaknjwari do pindak kimotnej*

<sup>1</sup> Nak panmuwukbi dakon kila amin da minjat gak gat ae gwakgo\* gat do papia on mandan damisat. Pinjop da gak iyi do manjigit. Nak asisi ji do but dasi galak tan damisat, ae nak gin dima, minjat amin morap gen bami nandan unun kisi da ji do but dasi galak tan daman. <sup>2</sup> Gen bami ninon toso, ae dagok dagogi mini tokdisak. Unun do anek but dasi galak tan damaman.

<sup>3</sup> Gen bamikon ae but dasi galak tan yomyom anpagon Pinjop Dat ae Monji Yesu Kristo unun da

---

\* **1:1:** Unudon 'minjat gak gat ae gwakgo gat' unun panmuwukbi kinda dakon tilak asak.

gisam dabal nandan yawotni gat ae bupmîni gat ae but yawotni gat da ji da egip egipmon tosak do bisit asat.

*Butdasi galak tañ yomyom dakon anpak aneñ*

<sup>4</sup> Dat da aneñsi do yagît uñun da aripmon miñat gak dakon miñat monjiyo diwari da gen bami yolgan. Nak uñun dakon gen nandanek but galak madepsi nandagim. <sup>5</sup> Ae miñat, gen kindâ yolni do nandisat uñun yañ: Nin kalon kalon amin do but dasi galak tañ yomiñ yomiñ aneñ. Gen teban uñun kalugi dima. Ji nandan gadat si wasanek awit bisapmon da uñun gen teban kili abidawit da abidan anañ obañ. <sup>6</sup> Butdasi galak tañ yomyom dakon mibilisi uñun yañ: Nin Pinkop dakon gen tebani guramigek agipneñ. Ji wasanek nandan gadat si awit bisapmon da gen teban kindâ nandawit uñun yañ: but dasi galak tañ yomyom dakon anpak anek agipni.

*Kristo dakon gen tebai abidoneñ*

<sup>7</sup> Kosit kilegi yipman detni do pankewalgan amin morapmi miktimi miktimi akwan. Uñun da Yesu Kristo aminsi dagagit yañ dima nandan teban ton. Amin uñuden uñun top amin ae Kristo dakon uwalni. <sup>8</sup> Do pakyañsi kan kimotni. Pi teban anek yo abidawit uñun di yipman dekbam. Pakyañsi kan kimotni kan, uñun dakon tomni tagi timitdan. <sup>9</sup> Amin kindâ Kristo dakon gen yipmanek gen ñwakñwarikon kisak kan, Pinkop uñun amin gat dima egisak. Mani amin kindâ Kristo dakon gen tebai abidosok amin uñun Dat gat ae Monji gat

uñun aminon ekwamal. <sup>10</sup> Amin kindá da abin Kristo dakon gen bami dima dayin detjak kan, uñun amin gildat tagi yan dima iyini, ae yutjikon dima ankini. <sup>11</sup> Amin kindá uñuden amin gildat tagi yan iyisak kan, anpuluganban pi yokwini kisi da amal.

*Kila amin da kin pindat do nandagit*

<sup>12</sup> Gen morapmi ton, mani papiakon mandak do dima nandisat. Abin dandabo gen yan nandat anej kan tagisi yan nandisat. Yan anej kan, nin dakon kisik kisik da madepsi tugosak.

<sup>13</sup> Pego dakon gwakni Pinƙop da iyi do manjigit, uñun da gildat tagi yan gayan.

**PIN<sup>K</sup>OP GEN**  
**The New Testament and Psalms in the Yopno Language**  
**of Papua New Guinea**  
**Nupela Testamen na Buk Song long tokples Yopno long**  
**Niugini**

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

---

PDF generated using Haiola and XeLaTeX on 22 Feb 2024 from source files dated 31 Aug 2023

b683ce50-d820-5bfc-8471-d8ee080be106